



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Eleacim, sive Ioacim, Rex Iudæ.

urn:nbn:de:hbz:466:1-11490

bus mensibus tenuit, captivitati ¹ob impietatem destina-
²tus. Namque eum Nechao rex Ægypti ³vinctum, captum-
³que duxit. ³Nec multo post in vinculis diem functus est.

¹ XCIII. Judæis ⁴stipendium annuum imperatum, rex
 eis ⁵Eliachim ⁶arbitrio victoris datus, qui postea ⁷immu-
 tato

gnatius negatur unctos fuisse. Quod vero attinet ad Unctionem Regiam, eam non necessario oleo illo Sancto à Mose primum confecto fieri debere consentiunt. Nam & à Iosia Rege absconditum illud ajunt, nec postea reperitum; unde Iehojakim Regem unctum fuisse balsamo. Sic Gemara Hierosolymitana in locis supra de unctioe citatis. At vero Pontifices alio ungi oleo, præter ipsum quod Moses confecit, ex ipso præscripto sacro non omnino debuisse volunt. Nec sane aut Regiæ aut Pontificiæ sub Templo secundo Unctionis vestigium aliquod exhibent. Quemadmodum autem sub Templo secundo Unctio Pontificalis nulla erat, ita etiam nec sub primo fuit perpetua. Nam l. aut circiter ante primi excidium annis absconditum fuisse oleum Sanctum (sub Iosia sc.) nec postea reperitum volunt. Glossa Talmud. ad tit. Megilla c. 1. f. 9. b.

מרוכה בגרים כהנים שימשו כבית
 שג' ואף כבית ראשון מימות יאשיהו
 ואילך שנגנו צלוחית של שמן
 המשחה, Vestitu insignes sunt Pontifices
 secundi Templi, etiam & primi à tempore
 Iosia & deinceps. Quoniam Vasculum Olei
 Sancti absconditum est. Selden.

¹ Ob impietatem.] Erat enim ἀσεβής
 καὶ μισθὸς τὸ τέρπον. Joseph.

² Vinctum captumque duxit.] Cum vix tres menses decemque dies regnasset. Οὗτος Ἄγυπτίων βασιλεύς, ὑποσπέρνας δὲ τὸ μίσητος, μετέπειπε τὸ Ἰωάσον ὡς αὐτὸν εἰς σιμαθὰ καὶ λαμβρῶν πόλιν, ἧς ἐστὶ τὸ Συβίας καὶ τὸ ἐλθόντα ἔδησε. Josephus. Duplex hic error. Primo, quod Samathæ hoc factum vult, cum Scriptura dicat, vinctum in Rebla

quæ est in terra Emath. Rebla igitur urbs ubi vinctus, id est, Apamea, ut vult Hierosolymitanus Num. 34. 11. Emath σιμαθὰ corrupte regio est. Deinde, quod sola Neconis reverentia & metu, subactum Ioazum putat. Atqui vix cruento bello, in quo multi Ægyptiorum perierunt, domari potuit, ut indicat Ezec. 19. 4. Ier. 22. 10. & seq. Grot. in eo errat quod ante expeditionem Cercusiacam remotum putat. Verba ejus sunt, Ne quid, se ad Cercussum absente, novaretur. Sed & tempus, & alia ostendunt, confecto bello Assyrio id contigisse. Horn.

³ Nec multo post in vinculis diem functus est.] Apud Ægyptios. Quod autem dicit, nec multo post, ex conjectura, ac de suo addit. Nam sacri Annales nihil hujus referunt: sed tantum, obisse in Ægypto, narrant. Horn.

⁴ Stipendium annuum imperatum.] Εἰς τὸν δόρυμιν πάλαντα, ἐν δὲ χρυσίῳ. Joseph.

⁵ Eliachim.] Ἐλιὰκίμ Eliacim potius, qui erat frater major nati Ioachazi, & filius Iosia. Drus. Τὸν φύσιν ἀδικῶ καὶ κακῶργον, καὶ μήτε ὡς τὸ θεῖον ὄσιν, μήτε ὡς ἀνθρώπος ἐπιεικής. Joseph.

⁶ Arbitrio victoris datus.] Ut haberet instrumenta servitutis & Reges. Idque in Oriente Regibus assueto, receptum olim, & postea sub Saracenis fuit, donec Turcæ & Tartari, quibus adstrictior servitus placet, morem illum, excisis undique Regum præcorum familiis, abolerent. Quod imprimis sagacissimos pariter & crudelissimos Timur præstitit. Horn.

⁷ Immutato nomine Ioachis vocatus est.] Idque

tato nomine *Joachis* vocitatus est. ¹Hic Joachæ fratris Jo-
sifæ F fuit, ²fratri quam patri propior, ³sacrilegio in-
visus Deo. Igitur cum regi Ægyptio pareret, quippe cui ³
tributum penderet, ⁴Nabuchodonosor * rex Babylonius

Judæam

Idque pro more Ægypti & Syriæ Re-
gum, quibus solenne aliud privatum,
aliud regium nomen habere. Et hinc
illa diversitas in Labonitus & Nabo-
chodonosor, Laborosardach & Belt-
scharzar, Darius Medus & Nabonnidus,
Baladan & Nabonassar. Quorum u-
num nomen privatum, alterum publi-
cum est. Vide Scal. vi. de Emendat.
Temp. Eadem significatio est in Elia-
kim & Joakim. Sed quia Syris Satur-
nus ¹ vocabatur, ideo nomen Dei Ju-
dæorum, quam sui Dei, ponere in victi
principis nomine, voluit. *Grot.* Debet
autem scribi Joacis per e simplex. Nam
in Ebræo Joacim. *Drus.*

¹ *Hic Joachæ fratris Josifæ filius fuit.*]
11 Reg. 23. 11 Chron. 36. Ioseph. 10.
6, 7. Legendum est: *Hic Joachæ filii Josifæ*
frater fuit. Sic enim in Regibus: *Consti-*
tuit Eliacim filium Josifæ, pro patre suo. Si-
gon. Josifas enim quatuor filios habuit,
Iohannem, qui à nonnullis Ioachaz
esse creditur, Ioacim, Sedeciam, &
Sellum. Doctores Ebræi scribunt Ioa-
cim & Eliacim, duobus circiter annis
majorem fuisse Ioachazo. Quod sic
probant. Textus ait: *filius viginti trium*
annorum erat Ioachaz cum regnare inciperet.
Et alibi: *Filius viginti quinque annorum*
erat Ioacim cum regnare inciperet. Idem
ait, Ioachaz tribus tantum mensibus
regnasse 11 Paral. 36. 2. Hæc manifesta
sunt. Aliud argumentum 11 Reg. 23.
30. *Tulit populus terræ Ioachaz filium Josifæ*
et unixerunt eum. Cur unxerunt? Nam filii
regum non ungebantur, nisi ob certam
causam. Respondent Ebræi, quia Ioacim
natus major erat. Addunt doctores, quia
implebat locum patrum suorum, quod
non faciebat Ioacim. Dixi Ioachaz à
nonnullis credi eundem esse cum eo qui
in Paralipomenis Iohannes vocatur Ob-
stare videtur quod Iohannes iste nomi-

netur primogenitus. Respondent ideo
fieri quod adoptione primogenitus es-
set. Nam in regno prælatus fuit ipsi Ioa-
cim. A benezra censet Iohannem primo-
genitum non regnasse, Sellum autem
esse Ioachaz. Secus R. David, qui Sel-
lum opinatur esse Ioachin, nepotem
Iosifæ. Moris enim esse ut nepotes filio-
rum nomine censeantur. Sic in primo
librorum Mosi, *quæ fecerat ei filius ejus*
minimus, id est, nepos Chanaan. Idem
scribit, quum diem suum obiret Iosifas;
Ioachaz egisse annum 23. & Sedeciam
24. & Ioacim 25. Addit Sedeciam à pa-
tre regem constitutum fuisse, post à po-
pulo Ioachaz ei prælatum. *Drus.* Hic
Iojakim Matth. 1. 11. dicitur Iecho-
nias, fuit vel binominis, quod non
infrequens in Sacra historia, vel nomen
יהויקים, à Matthæo per *ὁμοφωνίαν*
redditum est *Ἰεζουκίας*. In hac sententiâ
sunt Epiphanius, 1. Hæref. 6. Ambrosi-
us in Luc. 111. *Spanhemius.* Quem de hac
intricatissima Quæstione differentem
vide 1. Dub. Euang. vi.

² *Fratri quam patri propior.*] Hinc patet
verissimam Sigonii correctionem. Er-
ror autem ex litera F ortus. Nam cum
in codicibus Sulpicianis exaratum esset
prisco more: *Ioachæ Fr. Josifæ F. fuit*,
librariorum imperitia id sic accepit qua-
si scriptum: *Ioachæ fratris Josifæ filius*,
Horn.

³ *Sacrilegio.*] Idololatria. Frequens
hoc sensu vox illa apud Sulpicium.
Drus.

⁴ *Nabuchodonosor.*] *Ναβουδονόσορ*
Berofo, & in Actis Tyriorum. *Ναβουδο-
δονόσορ* Abydeno. *Ναυσοδονόσορ*
Straboni ex Megasthene. in Scripturis
Nebucadnezar & Nebucadrezar. Fre-
quens enim litteratum J & 7 permuta-
tio. *L'Empereur.* Fuit filius Nabupalaf-
saris

¹ Judæam terram occupavit armis, & per triennium ² jure
⁴ belli victor possedit. Etenim, ³ cedente jam rege Ægypti,
⁴ determinatisque inter eos imperii finibus, convenerat,
⁵ ⁵ Judæos ad Babylonem pertinere. Ita cum † Joachis ex-

ctis

faris Babyloniorum & Chaldaeorum Regis. Quod regnum, hi duo, toto Oriente clarissimum reddiderunt victoriis suis, Monarchia condita, quæ omnes alias longe excelleret. Regum horum Historiam scripserunt *Berosus* in Chaldaicis apud Ioseph. x. Ant. & i. contra Apionem. *Abydenus* in Assyriacis apud Euseb. in Chronico & ix. *Μεγασθενες* iv. Indicorum apud Iosephum x. & Strabonem xv. *Dioctes* ii. Persicorum, *Philostratus* in Indicis & Phoeniciis apud Iosephum. Quibus Hecataum adde. Solebant autem Reges Chaldaei Deorum nomina, Majestatis ergo assumere. Sic à *Nebo* Idolo, dicti Nebucadnezar, Nebuzardan, Nabonidus, Nabonassar, Nabonabo, à *Merodach*, Evilmardach, Mardokempad. *Seldenus*.

* *Rex Babylonius.*] Imo Regis filius. Nam pater Nabupalassar adhuc in vivis. *Berosus*. Nisi dicas eum simul cum patre regnasse.

† *Judæam terram occupavit armis.*] Bellum inter potentissimos Ægypti Syriæque, ac Babylonis Reges, Neconem & Nabupalassarem exarsit. Prælio ad Cercusium secus Euphratem commisso, vincitur Necos Babylonius subacta omni, ad Pelusium usque, Syria, præter Judæam, triumphat. Quarto regni Nabuchodonosori anno, Ioacimi octavo, Babylonii Judæam quoque bello petunt, dira minantes nisi tributum pendant quemadmodum reliqui Syriæ habitatores. Rex pacem mercatus pecuniis, integro triennio imperata tributa persolvit. *Iosephus* x, 7. At *Berosus* paulo aliter: Sarrapam Ægypti Syriæque & Phoenices rebellem eo bello subactum: Apud Iosephum in Antiquitat. Male. Nam Necos non Sarrapa Babylonii Regis, sed æmulus & æqualis fuit. *Horn*. Hac

fuit prima captivitas Judæorum. Nam Ioacim cum Daniele ejusque tribus sociis abductus tum Babylonem fuit. iv Regum 23. ii Paralip 36. Dan. i. iii Esdr. i. *Rex tamen sub conditione tributi annui, domum remissus fuit.* Ac tunc horrenda illa Moabitarum clades atque excidium contigit, quod eis prænuntiavit Ieremias cap. 48. Nam quicquid Ægyptum inter & Euphratem gentium, una ruina Babylonius involvit. In memoriam tantæ cædis condita *Χαρχησαβα, Μεροχ Μααβινθ*, Stephano, collocata ibi Babyloniorum colonia. *Horn*.

2 *Jure belli.*] De quo vide Grotium in nunquam satis laudato opere de jure pacis ac belli.

3 *Cedente jam Rege Ægypti.*] De hoc bello vide Jeremiam xlvii. Necos post tantam cladem in Ægyptum fugit, regnumque filio Psammi vel Psammiticho reliquit. Herod. ii. Cæterum fatalis ille locus, ubi pro Syriæ imperio, plerumque inter Ægyptios & Assyrios certatum, Carcemis fuit, Cercusium Ammiano xxiii. Cercisium Euagrio v. Hist. Ecl. 9. in confluyente Euphratis & Aboræ situm.

4 *Determinatisque inter eos imperii finibus convenerat.*] Merum commentum. Nam hujus transactionis nec ulla memoria extat, & satis clare ex sacris refutari potest. Quippe Nabuchodonosor victoria sua usus, in ipsam Ægyptum penetravit, & totam Syriam Neconi, non ulla transactione, sed armis ademit, ac jure belli, ut ipse Sulpicius loquitur, tenuit. *Horn*.

5 *Judæos ad Babylonem pertinere.*] Idem huic Provinciæ quod Armeniis accidit. In limite duorum sibi semper adversantium positi, ambiguos plerumque Dominos habuere, & victoriæ accessio fuerunt

Etis in regno annis undecim, ¹ filio ejusdem nominis locum fecisset, isque ² regis Babylonii in se iram concitasset, Deo nimirum agente, cui constitutum erat Judæam gentem captivitati & interneconi dare, Nabuchodonosor, ³ Hierosolymam cum exercitu ⁴ ingressus, ⁵ urbem murosque ac templum solo stravit: ⁶ auri immensum modum & sacra ornamenta vel publica vel privata, ⁷ puberesque omnes virilis

fuerunt. Quod & postea sub Macedonum, Romanorum, & Saracenorum imperio duravit. Horn.

† *Joachis exactis in regno annis undecim.*] Cum esset inquieto ingenio, novisque rebus, Ægyptiorum fiducia studeret, Nebucadnezar rebellem cum exercitu petit, receptusque intra urbem τὸς ἀκουσίου, καὶ καὶ ἀφ' ἐξουσίας τῶν ἱεροσολυμιῶν ἀπέκτεινε μετ' ἐβασιλεύσας Ἰωακίμ, ὃν ἀπαφρον ἐκέλευσε ῥιφύϊα ἀπὸ τῶν τειχῶν. Eorum vero qui in aliqua dignitate fuerunt, in captivitate abduxit Babylonem tria millia, in quibus etiam tum puer Hezekiel. Hic finis fuit Joacimi Regis, qui vixit annos xxxvi. regnavit xi. Joseph.

1 *Filio ejusdem nominis locum fecisset.*] 1v Regum 24. 11 Paralipom. 36. Non plane ejusdem nominis. Nam vel in Græca editione pater Ἰωακίμ vocatur, filius Ἰωαχίμ five Ἰωαχίμ. Ecce discrimen in una littera. Quale & apud Ebræos, qui ultimam insuper efferunt per N. Scribunt enim Joachin: unde Joachis, ut ex Joacim factum Joacis. Sulpicius autem qui hæc confundit, non est audiendus. Drusius. Nebucadnezar τὸν ὄν αὐτῶν Ἰωακίμ καὶ ἐστὶ βασιλεύσας καὶ τῶν πόλεως. Josephus. Qui etiam dicit, cum fuisse φύσιν ἁγίον καὶ δικαίον. At Scriptura impium vocat.

2 *Regis Babylonii in se iram concitasset.*] Suspicio fuit imperantibus familiaris. Metuebat enim Babylonius, μὴ μνηστικὰ κήσας αὐτῶν τῶν πατρῶς ἀναι-

ρέσιως, ἀποσῆση τῶν χόρων αὐτῶν, Joseph.

3 *Hierosolymam cum exercitu.*] 1v Regum 24. 11 Paralipom. 36. Jerem. 22. Prius servi Nabuchodonosoris expeditionem fecerant contra Hierosolymam, cumque urbs in obsidionem venisset, & ipse Nabuchodonosor ad urbem à suis obsessam venisset, egressus Joachim ad eum cum matre, & dedit se ei anno octavo regni Nabuchodonosoris, qui erat mensis tertius à quo regnare coeperat Joachin Hierosolymæ. Habentur ista 1v. Reg. 16. 11. 12. Drus.

4 *Ingressus.*] Hoc admodum credibile est, licet Scriptura discrete non exprimat. Quid enim vetat Joachin primum egressum esse ad Nabuchodonosor in castra extra urbem, & ipsum Nabuchodonosor postea ingressum esse urbem? Simul hæc vera esse possunt, & sunt profecto, si non fallitur aut fallit nos noster Sulpicius. Drus.

5 *Urbem murosque ac templum solo stravit.*] Falsum hoc. Drus. Nihil de his Sulpicius ea de suo addidit. Sigon.

6 *Auri immensum modum.*] Abstulit inde omnes cum templi, tum regis thesauros: ad hæc confregit vasa aurea omnia, quæ Salomo Rex fecerat ad templum Domini, 1v Regum cap. 13, Drusius.

7 *Puberesque omnes.*] Omnem juventutem ex urbe captivam duxit. Joseph. Totam Hierosolymam, omnes milites numero xc. omnesque fabros & artifices. 1v Reg. 21. 14. Drusius. Τὸς ἀκουσίου Ἰερουσαλὴμ. Berossus. Meminit hujus & insequentis deportationis

6 rilis ac muliebris sexus transfuit: relictis, ¹ quorum imbecillitas aut ætas fastidio victoribus fuit. Quæ turba inutilis fervitio, exercendis colendisque agris, ne incultum esset
7 solum, deputata, Eisdemque ² rex Sedechias præpositus: ademptis viribus, ³ inani tantum umbra regii nominis con-
8 cessa. Sed ⁴ Joachis tribus mensibus tempus imperii ha-
9 buit. Is ⁵ cum populo Babyloniam translatus, & in carcerem coniectus est: ⁶ trigessimum post annum emissus, atque ⁷ à rege in amicitiam receptus, mensaque & consiliis

parti-

Hecateus apud Josephum, & Demetrius apud Clem. Alexandrinum.

1 Quorum imbecillitas aut ætas fastidio.] Hæc ex ingenio Sulpicii manarunt, non ex sacris libris. Sigon. Imo ex sacris libris, Sigoni. Verba sunt IV Reg. 24. 14. nihilque relictum est, exceptis pauperibus populi terræ. \square וְיָלַד autem, ut notum Hebraice peritis, includit & vitium & opum, & ætatis imbecillitatem. Horn.

2 Rex Sedechias.] IV Reg. 24. II Paralip. 36. Joseph. 10. 10. Melius: Sedechias. Hic patruus erat Joachin, & prius Mathanias dicebatur, quod nomen ipse Nabuchodonosor postea mutavit, imposito ei Sedechiæ nomine. Vide IV Regum 24. 17.

3 Inani tantum umbra regii nominis.] De umbra regii nominis nullum verbum in Scriptura. Sigon. Manavitque hoc ex ingenio Sulpicii. Drus. Nimis frigide. Quid enim majestatis in illo, qui tenui plebeculæ præfectus, potentissimo Regi, velut mancipium, servire cogebatur? Horn.

4 Joachis tribus mensibus.] Sic IV Regum 24. 18. Quomodo ergo II Paralip. 36. 10. dicitur post annum abductus à Nabuchodonosore? Quia aliquot menses interregnum inter Joakim & Joachim. Cajetanus. Quia cœpit regnare tribus mensibus ante finem anni, & captivitas ejus incidit in mensem Nisan. Interpr.

5 Cum populo Babyloniam translatus.] $\text{Μετὰ τὸ μεταρῆς ἢ τὸ Φίλων. Iosephus.}$

Hæc huit $\mu\epsilon\tau\epsilon\rho\eta\sigma\iota\alpha$ secunda, à qua 177. annorum captivitatis initium dicunt Scaliger, Calvinus & alii. De quo postea. Caterum Nabuchodonosor Babylonem magnificentissime, spoliis devictarum gentium exornavit, velut Timurus Semirkandam suam. Superius veneranda antiquitatis monumenta ex Berosi annalibus, in quibus scriptum est, Nabuchodonosorem ex spoliis, quæ inde reportavit, templum Belo extruxisse, urbemque Babylonem pro majestate imperii auctam cœlilibus cinxisse muris, ad hoc, hortos ærios, & nemora pensilia fecisse, in gratiam uxoris, quæ in montanis Media educata, sylvas spectare, in edito quæ essent, amabat. Ex quo fit, uti vanum & nihil sit, quod magno consensu Græci tradiderunt admiranda ea opera extructa à Semiramide fuisse. Confutatur enim eos apud Flavium auctor omni exceptione major, Berosus Chaldeus, quem & antiquissimum esse, & summa religione ac fide res popularium suorum ad aternitatem consecrasset, creditum ab omnibus est. Cuvæus.

6 Trigessimum post annum.] IV Reg. 25. Legendum: trigessimum septimum, IV Regum 25. Nam post abductionem Joachin regnavit Sedechias annos XI. & post abductionem Sedechiæ Nabuchodonosor annos XXVI. Evilmerodach vero, qui Nabuchodonosori successit, ipsum anno suo primo dimisit, atque honore affecit. Sigonius.

7 A rege.] Evilmerodach, qui Εὐιλαμαρδης & Beroso, Εὐιλαμαρδης Abydeno; in Ptolemæi libris corruptius

participatus, non sine solatio depulsæ calamitatis deceffit.

XCIV. Interea ¹ Sedechias rex ² turbæ inutilis, quam ¹ quam sine viribus, infido ingenio, & Dei immemor, qui non intelligeret captivitatem ob delicta gentis illatam, ³ postremis denique malis debitus, ⁴ regis animum offendit. Ita ei ⁵ post novem annos Nabuchodonosor bellum intulit, ⁶ compulsumque intra muros confugere, ⁷ triennio obsedit. Qua tempestate ⁸ Jeremiam Prophetam, qui jam sæpius imminere ³ re urbi captivitatem pronuntiaverat, consulit, siquid spei forsitan superesset. Sed ille, cœlestis iræ non ignarus, eadem ⁴ sæpius interrogatus, respondit, ⁹ ipsi regi specialem pœnam

denun-
ptius Γλαργάμ, Joseph. Α' Γλαργάμ, LXX. Ευίαλαρωδέν. Non est credibile dictum cognomine Ἰηρ id est, stultum, ut aliqui putant: sed vox illa aliud significare debet ac fortasse idem quod Arabicum **ج** id est, primum. Horn.

¹ Sedechias.] IV Regum 25. Joseph. IO. 4. Hierem. 17. 10. Sedecias confertur cum perdice; quia ut alteri hæc avis subducit ova, iisque incubat; sed exclusi pulli, simulac possunt, ad veros avolant parentes: sic Sedechias cum omnibus impiis, qui in divitiis confidunt, ubi ad medium pervenissent dierum suorum, amissuri essent opes male partas. Eo pacto hunc locum accepisse etiam videtur Chaldaeus Paraphrastes: ut Hugonem, Lyranum, Thomam, Dionysium præteream. *Vossius.*

² Turba inutilis.] Tenuis plebecula. Supra: quæ turba inutilis servitio, exercendis colendisque agris, ne incultum esset solum, deputata. Alio sensu Homerus dixit, ἐπώσιον ἀργόν δρόσους: & alius, inutilia pondera terra. *Drus.*

³ Postremis malis debitus.] Qui debet extrema mala pati. Sic, mors natura debita: &, cælo debita progenies. *Drusius.*

⁴ Regis animum offendit.] Cum per octo ann. socius Babyloniorum fuisset, Διέλυσε ἑς ἑσ ἄντ' ἄς πίστες, ἢ

τοῖς Αἰγυπτίοις ἀργεσίθι) καὶ ἀλύσει τὴς βαβυλωνίης, ἡλπίστας, ἃ μετ' ἐκείνον ἐγγόστ. *Iosiph.*

⁵ Post novem annos Nabuchodonosor bellum intulit.] Anno nono regni ejus, mense decimo, decimo die mensis, IV Reg. 25. 1. *Drusius.* Hæc est quarta & ultima clades Judæorum, quam urbis desolationem Philo vocat. Meminit ejus Jerem. 34. 37. & 52. Ezech. 17. *Sigon.*

⁶ Compulsumque intra muros.] Τὴν χεῖρα κακώσεως αὐτῆ καὶ τὰ φρένα λαβάν. *Iosiph.*

⁷ Triennio obsedit.] Rescribendum ex historia, biennio fere. Nam biennium integrum nondum exactum erat. Siquidem obsessa fuit mense decimo anni noni, capta autem mense quarto anni undecimi, nona die mensis. *Drus.*

⁸ Jeremiam Prophetam.] Qui anno XIII. Josiæ prophetare cœpit, & sub quinque Regibus, sacro illo munere functus est. Multa scripsit, præter Prophetiam & Threnos, III, & IV Regum, ut docent Procopius, Gazensis, Isidorus, Kimchi. Addit Abulensis etiam I. & II Reg. ab eo scriptum. In Bibliotheca Vaticana extant Paralipomena Jeremiæ Græco sermone, & in iis literæ Baruch & Abdemelech ad Jeremiam, & hujus ad illas responsa. Sed hæc supposititia esse nemo dubitat. *Horn.*

⁹ Ipsi Regi specialem pœnam denunciavit.]